

FEDERICO GONZÁLEZ-FIERRO BOTAS, S.J.

Uviéu, 30/11/1942-Vladivostok, Rusia, 28/06/2002

Sacerdote xesuítu, llicenciáu n'Historia y diplomáu en Llingües Clásiques, con doctoraos en Teoloxía, Ciencies Polítiques y Socioloxía, foi amás espertu en llingua y lliteratura rusa, de la que tornó al asturianu les obres llíriques d'A.S. Pushkin.

Nes décades de 1960 y 1970, trabayó en fábricas como obreru manual y collaboró col sindicalismu antifranquista. Tres ser destináu a Gijón/Xixón, foi profesor y xefe d'estudios de la Fundación Revillaxixéu, inxertando nel curriculum educativu del centru, l'enseñu de la llingua y cultura asturianas.

Dos llingües, dos pueblos

два языка, два народа

Sestu Premiu d'Ensayu y Trabayos d'Investigación

“FIERRO BOTAS”



Bases del Sestu Premiu d'Ensayu y Trabayos d'Investigación

“FIERRO BOTAS”

La Conceyalía d'Educación, Cultura, Xuventú y Fiestes del Conceyu de Xixón, nel so enfotu de facer alcordanza de la figura de Don Federico González-Fierro Botas y la so querencia pola llingua de nueso y la so normalización social, convoca la sesta edición del Premiu d'Ensayu y Trabayos d'Investigación “Fierro Botas”. Esti premiu empobínase a aquellos obres d'ensayu o trabayos d'investigación, nos que se recueyan los siguientes ámbitos: investigación sobre la cultura asturiana; investigación sobre la cultura rusa o eslava; la memoria social y colectiva de los pueblos rusu y asturianu; la memoria social y colectiva de Xixón.

BASES

1. Podrán presentase a esti Premiu toles persones con ensayos o trabayos d'investigación en llingua asturiana que respuendan al enfotu del Premiu.
2. Les obres presentaes han tar roblaes con nomatu; amás entregarase nun sobre zarráu'l nome, apellíos y les señes de contautu del so autor/a. Esti sobre va mantenesse zarráu, cola esceición del orixinal qu'algame'l premiu.
3. El llargor de los ensayos nun ha ser de menos de 50 fueyes DIN-A4 con 2.500 caracteres máximo per páxina. Les obres han presentase impresas a una cara. Na so entrega les obres han tar peracabaes, ensin posibilidá d'amestar, suprimir o cambiar nenguna parte de les mesmes. Los ensayos han entregase por triplicáu en cualesquier de los Rexistros del Ayuntamientu de Xixón. Nel sobre ha figurar la referencia: PREMIU D'ENSAYU Y TRABAYOS D'INVESTIGACIÓN “FIERRO BOTAS” 2013. CONCEYALÍA D'EDUCACIÓN, CULTURA, XUVENTÚ Y FIESTES. L'autor/a va recibir un documentu acreitativu de la so presentación; esti recibu va ser necesariu pa retirar les obres contemplaes nel articulu 13 d'estes bases.
4. Amás del testu podrán presentase los conteníos suplementarios al mesmu que l'autor/a camiente afayadizo.
5. Concederáse un premiu de 3.000 € y la so publicación, a la obra que pola unanimidá, o nel so defeutu pola mayoría de los votos del Xuráu, tenga los mayores méritos.
6. El pagu del premiu implica'l reconocimientu y aceptación del autor/a del derechu de publicación de la primer edición de la obra, pola Conceyalía d'Educación, Cultura, Xuventú y Fiestes del Conceyu de Xixón. L'abonu va facese na cuenta bancaria conseñada pola persona premiada.
7. El plazu d'entamu pa la presentación de los orixinales ye'l día siguiente de la espublicación na páxina web del Conceyu del anunci de la convocatoria del Premiu. L'almisión d'orixinales acaba'l día 13 de setiembre de 2013 inclusive, y el Premiu va fallase'l día 27 de payares de 2013.
8. La presentación de les obres dientro del plazu enantes mentáu, implica'l compromisu del autor/a de non retirar el so orixinal primero de dar anuncia'l Xuráu'l so fallu. Asina mesmo, al presentar un trabayu, l'autor/a, acepta toles condiciones amosaes nestes bases.
9. Los trabayos presentaos han ser inéditos y orixinales y tar escritos acordies coles normes ortográfiques de l'Academia de la Llingua. De nun se cumplir estos requisitos, la obra nun podrá algamar el Premiu.
10. El xuráu va tar integráu por un representante de la familia González-Fierro, representantes del mundu cultural asturianu y por un representante de la Conceyalía d'Educación, Cultura, Xuventú y Fiestes del Conceyu de Xixón, qu'exercerá la so presidencia.
11. Si al xuráu-y abulta oportuno, pol so interés, proponer la publicación de dalguna de les obres presentaes, y n'alcordándolo col so autor/a, la Conceyalía d'Educación, Cultura, Xuventú y Fiestes del Conceyu de Xixón podrá facer la so publicación. Esta publicación nun va conllevar en nengún casu una compensación económica.
12. L'autor/a comprométese a roblar los compromisos necesarios pa que la edición de la so obra tea inscrita nel Rexistru de la Propiedá Intelectual, y de dase'l casu, nel de la Propiedá Industrial del Estáu. Asina mesmo l'autor/a podrá acordar la llicencia de publicación del so ensayu.
13. Les obres orixinales non premiaes devolveránse, si l'autor/a lo pide, nos dos meses siguientes al fallu del xuráu.
14. Les obres que nun se vayan publicar y que nun se reclamen per escrito primero del 28 de febreru de 2014, van destruyise, ensin que pa esta decisión esista nengún recursu. La Conceyalía d'Educación, Cultura, Xuventú y Fiestes del Conceyu de Xixón comprométese a mirar pola bona conservación de los orixinales.
15. Si'l Xuráu lo camiente afayadizo, el Premiu podría quedar ermu.
16. Por decisión del Xuráu'l premiu va poder ser declaráu ex-aequo. Nesti casu la cuantía del premiu va repartise ente les persones ganadores, comprometiéndose la Conceyalía d'Educación, Cultura, Xuventú y Fiestes del Conceyu de Xixón, en tou casu, a la publicación de los trabayos ganadores.
17. La decisión del xuráu ye inapelable.